

Polelo ya Phatlalatšo ya ditaba ka ga kahlolelo ya molato wa Regiments Capital

Tshwane, 19 Mei 2023 – Khomišinare wa Ditirelo tša Motšhelo tša Afrika Borwa (SARS), Mrn. Edward Kieswetter, o boletše gore o thakgaletše go lemoga sephetho sa Kgotlakgolo ya Boipiletšo ka la 18 Mei 2023 ya molato magareng ga *Khomišinare wa SARS kgatlhanong le Regiments Regiments Capital (Pty) Ltd and Others*.

Mekgatlo e mmalwa, ya go ba le “kgatlhego” ka go Regiments e dirile kgopelo ya go beela thoko likwideišene ya Regiments. SARS e ile ya tsenagare gomme ya ganetšana le go beela thoko ga likwideišene ya Regiments; le ge go le bjale, Kgorotsheko Kgolo e dirile sephetho sa, go beela thoko likwideišene ya Regiment.

Motheo wa ditshepetšo tša kgorotsheko e be e le taolelo ya go tthatlhamolla ditransekšene tša Kabelo le go šireletša phatlalatšo ya dipoelo. SARS le dilikwideita ba ipileditše sephetho se go SCA yeo gabjale e beetšego thoko sephetho sa Kgorotsheko Kgolo le go tiišetša likwideišene ya Regiments. Phethagalo ya sephetho se gabjale e bea tswalelo ya khamphani, go akaretša go aroganya dipeelo tša khamphani, ka matsogong a dilikwideita le ka fase ka tebelelo ya bakalotiwa le Kgorotsheko Kgolo ya Sehlogo.

Kago phethola sephetho sa Kgorotsheko Kgolo le go thekga boipiletšo bja SARS, SCA e phethile ka go hwetša gore Regiments e be e tšhonne go ya ka dintlha tša tshedimošo le kgwebo gape go be gos e na motheo wa go hwetša gore go tšwelapela ga yona ka go e tswalela go be go se bohlokwa goba go be go sa kgatlhiši.

Ditshepetšo tše di laetša gore SARS e lemoga dipharologano tša kago ya koporeite gomme e na le mabokgoni le tsebo ya go rarolla le go tsena gare le go tšea magato ka bothakga go šireletša ditšhelete le go tšea magato ka morero wa dikgatlhego tša motheo wa motšhelo.

Khomišinare Kieswetter o boletše gore: “Dipoelo tša boipiletšo bjo bja go tlhakatlhakana gape bja go katakanelwa ka maemo a godimo bo laetša tsenyatšhomong ya ka, yeo e laeditšwego go tloga mathomong a mošomo wa ka, go šoma ka phethagalo le go lwantšha go thopša ga naga le go kagoleswa ya potego ya setšhaba le boitshepo.”

Go hwetša tshedimošo enngwe, ka kgopelo ikgokaganye le SARSMedia@sars.gov.za

BOFELO.